

聖濟總錄纂要

五

國立中央圖書館台灣分館



3 1111 008723650

414.6
18250
26
v.5

26
V.5
中國醫學大成第四集

方劑類

聖濟總錄纂要

五



上海大東書局印行



聖濟總錄纂要

清新安程林雲來纂輯

鄞縣曹炳章赤電校點

卷九

膈氣門

膈氣統論

論曰。胸中者氣之府。呼吸升降之道也。陰陽升降順理。則氣道通調。胸中乃治。喜怒寒熱不調。則氣聚於胸而爲膈氣。夫膈現有五。憂膈、恚膈、氣膈、寒膈、熱膈是也。憂膈之病。胸中氣結煩悶。津液不通。飲食不下。羸瘦無力。恚膈之病。心下若實欲嘔。輒噫醋心。食不消。心下痞澀。積結在於胸中。大小便不利。氣膈之病。胸脇逆滿。咽塞不通。惡聞食臭。寒膈之病。心腹脹滿。咳逆。膈上苦冷。臍腹常鳴。食不生肌。熱

膈之病。臟有熱氣。五心中熱。肉爛生瘡。骨煩。四肢重。唇口乾燥。身體頭面手足或熱。腰背疼痛。胸痺引背。水穀不消。不能多食。羸瘦少氣。此五膈為病之症也。人之和氣。一有憂思恚怒。寒熱飲食。悉皆傷之。致陰陽不和。臟腑生病。氣痞於胸膈之間。故曰膈氣。諸方之論不一。又有十膈。症各不同。其發之原。不越於此也。

五種膈氣

論曰。人之胸膈升降。出入無所凝滯。命曰平人。若寒溫失節。憂恚不時。飲食乖宜。思慮不已。則陰陽拒膈。胸皖痞塞。故名膈氣。曰憂。曰恚。曰氣。曰寒。曰熱。五種雖殊。其為膈病則一。

建中丸 治男女五種膈氣。及一切氣不思食。

白豆蔻

胡椒

甘草

陳皮

高良薑

藿香子一

紅豆蔻

人參

川芎

菗醬

黑乾薑

藿香葉五錢

共末。入蜜杵丸。芡實大。酒下二丸。薑湯下亦可。

備急沉香散 治霍亂吐瀉。氣逆結胸。膈氣刺痛。不思食。

沉香

丁香

京三稜

黑乾薑

蓬莪茂 五錢

肉豆蔻

人參

木香

赤茯苓

藿香葉

桂心 一兩

高良薑

甘草

胡椒 一分

共末。用鹽點茶下二錢。

五膈丸 治五種膈氣。噎塞。胸中滿悶。不下食。

白朮

木香

陳皮 去白

訶勒皮

桃仁 去皮 尖炒

靛布 洗燒灰 三分

桂心

大黃

半夏 薑汁炒

枳實 麸炒

檳榔 微煨

琥珀 研一

共末入蜜杵丸如梧子大。薑棗湯下三十九。

人參白朮湯 治膈氣咽塞。憂結不散。

人參

白朮

甘草

京三稜

訶勒皮

陳皮 去白

木香

桂心

檳榔

草豆蔻

赤茯苓

枳

殼炒五錢

生薑水煎三錢。溫服。日二。

人參丸 治膈氣咽喉噎塞。不下食。

人參

檳榔

紫朴薑汁炒

枇杷葉一兩

半夏薑炒五錢

共末糊丸如梧子大。薑湯下二三十九丸。日二。

導氣散 治膈氣咽塞不下。

虎頭骨

人參

紫朴

羚羊角

萆撥一兩

共末。飲下二錢。

視布丸 治膈氣噎塞不下食。

視布

洗淨燒灰一兩

椿杵頭細糠一合

共研。用老牛涎一合。生柏葉汁一合。慢煎。入蜜攪成膏。與末杵丸。芡實大。每用

一丸。含化嚥下。

膈氣嘔逆不下食

論曰。膈氣嘔逆不下食者。由胃氣不足。風熱乘之。或憂恚氣結。不得宣通。故令膈腕痞滿。氣塞胸中。縱能食而卒不下。或入胃中。多致不消。與留飲相擊。則變為嘔逆也。

丁香丸 治膈氣嘔逆不下食。壅悶惡心。

丁香 二十枚

木瓜

木香 一兩

檳榔 一枚微煨

肉豆蔻 一枚

青皮 七枚去白炒

半夏 一分薑炒

共末入蜜杵丸。梧子大。薑湯下廿丸。

人參赤茯苓 治膈氣嘔逆不下食。或憂恚氣不宣通。

人參

赤茯苓

細辛

白芍藥

枳殼 去白炒

黑乾薑

桂心

炙甘草 一兩

檳榔

訶勒皮 兩半

共末入蜜杵丸。如梧子大。用酒下二十九。如覺有物在喉中。即丸三五丸。如

彈子大。津嚥含化一丸。

五膈丸 治胃氣素弱。因於憂恚。膈氣虛弱。嘔逆。不思飲食。

人參一兩

附子

川椒

細辛

遠志

乾薑五錢

炙甘草

麥冬

桂心三錢

三。共末入蜜杵丸。如彈子大。食後含化一丸。津液嚥下。覺胸中氣逆。即服一丸。日

膈氣痰結

論曰。膈氣痰結者。謂結痰在胸膈之上。喉間噎塞。咳唾稠濁。氣滿胸中。妨害飲食。蓋緣脾肺久虛。氣道痞澀。不能升降。水飲停結。聚而為痰。久不差。則變虛弱上喘之病。

木香丸 治膈氣痰結。嘔吐酸水。

廣木香

青皮

白朮

桂心

益智仁

肉豆蔻煨一

吳茱萸

細辛

黑乾薑五錢

共末用酒煮陳米糊丸。如小豆大。生薑湯下十五丸至二十九。日二。

妙紅散 治膈氣痰結。嘔逆吐食。

紅麴炒

人參

丁香

白茯苓

藿香五錢

共末。飲下二錢。日二。

五膈丸 治膈痰結胸中不利。

赤茯苓

陳皮

桑白皮

紫蘇一兩

檳榔煨八枚

紫朴薑炒一兩

生薑倍二兩

旋復花兩半

共末入蜜杵丸。如梧桐子大。飲下二三十九。

嘔吐門

嘔吐統論

論曰。人之陰陽升降。三焦調順。脾胃和勻。乃能腐熟水穀。變化糟粕。傳瀉行導。下走腸間。若脾胃虛冷。水穀不化。則陰陽痞膈。三焦不調。濁陰之氣。不能下行。衝奔於上。故發爲嘔吐。然吐逆之病。有得之於膈實者。有生於中滿者。有發於下焦者。種種不同。悉本於胃氣。逆則嘔吐。蓋胃者水穀之海。三焦者乃水穀之道路。胃氣宣通。則上焦如霧。中焦如漚。下焦如瀆。命曰平人。若胃氣虛弱。水穀遲化。停滯三焦。格拒升降。不勻其氣。虛滿得食。則嘔。而又有朝食暮吐。暮食朝吐者。有食已卽吐者。有嘔吐穀不得前者。有但嘔而無所出者。有先嘔却渴者。有先渴却嘔者。有嘔家本渴而反不渴者。治求其本。各有不同。假令內格拒逆。食不得入。是有火也。病嘔而吐。食久反出。是無火也。舉此二者。乃知嘔吐之名則一。而治藥之法各異。雖治有冷熱。有虛實之別。要在安胃氣爲本。使陰陽升降。呼吸平均。嘔吐之病順而愈矣。

嘔吐

論曰。嘔吐者。胃氣上而不下也。譬之空餅小口。頓漑不入。乃升氣所礙。人病嘔吐。

其理如此。蓋脾胃氣弱。風冷干動。使留飲停積。飲食不化。胃氣虛脹。心下澹澹。其氣上逆。故令嘔吐也。

厚朴丸 治脾胃虛寒。痰盛嘔吐。

紫 朴去皮一斤 夏半斤 生 薑三斤取汁又入

將汁同朴拌。共入砂鍋內。慢火煮乾為末。棗肉丸。如梧子大。酒下二十九。

藿香散 治脾胃虛寒痰盛。嘔吐不止。飲食不化。

藿 香 紫 朴一兩 桂 心 炙甘草五錢

青 皮去白炒 枇 杷 葉去毛炙 乾 薑兩半

薑棗水煎三錢服。

七寶湯 治脾胃虛冷。嘔吐痰涎。胸膈痞悶。不思食。

人 參 白 朮 甘 草一兩 大腹皮全用

半 夏薑汁 草 豆 蔻四枚 訶 勒 皮五枚

薑棗水煎三錢服。

濟急丸 治脾胃虛寒。痰飲留滯。嘔吐不止。

附子大者一枚剗空 丁香四十九枚入香附子孔內卦

以薑自然汁浸附子於器中。重湯煮乾。為末。每服一錢。津液嚥下。

和胃湯 治食飲不下。嘔逆清水。面目虛腫。

人參二兩 赤茯苓兩半 半夏 茅草根一兩

木通 青竹茹三分 甘草五錢

薑棗水煎三錢。空心服。

人參半夏丸 治嘔吐不下食。頭痛。

人參 半夏湯泡七次薑汁製二兩 前胡一兩

鉛丹水飛過

共末。蒸大棗去皮核。杵成丸。如梧桐子大。空心薑湯下二十九丸。晚再服。

乾嘔

論曰。嘔而欲吐。吐而無所出。故名乾嘔。此由陰陽不和。胃中虛弱。氣逆上行。不能下降。故有乾嘔之症。

麝香平氣丸。治胃氣虛弱乾嘔。心胸痞悶。痰逆惡心。吞酸噎食。腹脇疼痛。和脾胃。進飲食。辟除邪氣。

麝香

木香

沉香

肉豆蔻

乳香

丁香

丹砂

桂心

紫朴

半夏

檳榔

共末入膏糊丸。如梧子大。空心飲下二十九。

四倍散

治胃氣不和。乾嘔惡心。

訶梨勒

煨取皮

人參

白茯苓

飯上蒸四兩

白朮

陳土炒八兩

共末。鹽湯下二錢。或薑棗水煎服之。大補虛損。

安中散

治乾嘔。

小麥

炒四

甘草

陳麴

五錢

乾薑

炒一

共末。空心棗湯下二錢。日二。除邪熱。和胃氣。進飲食。

桂苓湯

治乾嘔煩悶不下食。

桂心

人參

白朮

乾薑

五錢

砂仁

紫朴一兩

陳皮

甘草二分

薑棗粟米水煎三錢服。

和安湯

治胃氣上逆乾嘔不止。

陳皮

去白炒

甘草二兩

乾薑錢五

薑水煎三錢空心服。

參粟湯

治乾嘔不下食。

人參一兩

半夏湯泡七

生薑片五大

陳粟米二兩

同入鍋慢炒搗為粗末薑棗水煎三錢空心服。

胡椒湯

治胃氣上逆乾嘔煩悶。

胡椒二十粒

木香二錢

熟糯米一合

同炒熟分三服水煎空心下。

痰飲門

痰飲統論

論曰。人之有形。藉水飲以滋養。水之所化。憑氣脈以宣流。蓋三焦者。水穀之道路。氣之所終始也。若三焦調適。氣脈平均。則能宣通水液。行入於經。化而爲血。灌漑週身。設三焦氣澀。脈道閉塞。則水飲停滯。不得宣行。因之聚成痰飲。爲病多端。古方論痰飲有四。痰飲、懸飲、溢飲、支飲是也。若其人素盛今瘦。水走腸間。漚漚有聲。謂之痰飲。水流脇下。咳唾引痛。謂之懸飲。飲水流行歸於四肢。當汗出而不汗。體身疼重。謂之溢飲。其人咳逆短氣。倚息不得臥。其形如腫。謂之支飲。此飲疾之大概也。然又有五飲。及水在五臟。病各立名不同。與夫聚而不散。曰流飲。癖於脇肋下。曰癖飲。流移不定。曰流飲。沉伏於內。曰伏飲。因酒多而成名。曰酒癖。因寒多所致。即曰冷痰。因熱邪所傷。即曰熱痰。病雖多端。悉由三焦不調。氣道否澀。而生病焉。是以氣行即水行。氣滯即水滯。故知飲之爲病。在人最多。善治者以宣通其氣脈爲先。則水飲無所凝滯。所以治痰飲者。當以溫藥和之。蓋人之氣血得溫暖則宣流也。及結而成堅癖。則兼以消痰破飲之劑。攻之堅癖自消。痰飲自愈。

痰癖

論曰。痰癖之病。由三焦氣不升降。水飲停滯。留於脇下。寒氣乘之。則令脇肋堅脹。按之瀝瀝有聲。有時而痛。妨害飲食。久不施治。令人肢體羸瘦。謂之痰癖。

枳殼

人參

五味子

柴胡 五錢

甘草

石斛

訶梨勒 一兩

共末。蜜丸。如梧子大。飲下三十丸。

消飲白朮丸 治痰癖及飲酒停痰積聚。不利嘔吐。目昏耳聾。腸中水聲。

白朮

半

夏薑汁搗餅 枳殼

去麴炒 枳殼 四兩

乾薑

炒 二兩

共末。蜜丸。如梧子大。空心飲下三十丸。

支飲

論曰。水飲停積。胸膈不能消化。支乘於心。故名支飲。其狀令人心下築悸。咳逆喘息。飲食不下。身體虛浮。形如水腫是也。

參芪丸 治支飲不消。胸膈滿悶。

人參

赤茯苓

膽南星三分

半夏

生薑

晉礬一兩

將生薑、南星、半夏搗成餅。慢炙黃。與藥共末糊丸。如梧子大。薑湯下二十九。

甜葶藶丸 治支飲氣喘不得息。

甜葶藶紙上炒

木香

半夏薑汁製

共末。薑汁糊丸。如梧子大。空心薑棗湯下二十九。

檳榔丸 治支飲胸膈否滿悶。

檳榔

肉豆蔻麵包煨五錢

半夏薑汁製

青皮去白炒

乾薑炒黑一兩

共末。薑汁糊為丸。如小豆大。薑湯下五丸。以差為度。

留飲

論曰。留飲之病。得於三焦壅否。氣脈凝澀。致飲水不消。留聚胸膈之間。令人否滿短氣。脅下脹滿。喜渴數飲。是其候也。

赤茯苓 治膈間留飲。嘔逆頭眩。短氣多渴。

赤 茯苓

柴 胡

白 朮

枳 殼

檳 榔 一兩

杏 仁

半 夏 三分

人 參

旋復花 五錢

薑水煎三錢。空心服。

半夏湯 治留飲不除。胸中痰冷。

半 夏 五兩

人 參

附 子

桂 心

甘 草

赤 茯苓 二兩

白 朮 三兩

薑水煎三錢。空心服。日二。

枳實湯 治留飲不消。心下否堅。時復作痛。

枳 實 二兩數炒

白 朮 三兩土炒

桂 心 一兩

薑水煎三錢。空心服。日二。

沉香茯苓丸 治留飲。

沉 香 一兩

白 茯苓

半 夏 薑汁製

人 參 去蘆

丁香 香二兩

甘草

陳皮 去白

肉豆蔻 煨

檳榔 五錢

共末。蜜丸。如梧子大。薑湯下二十九。溫脾胃。利胸膈。和氣血。

草撥 煑散 治留飲食癖

草撥

炙甘草

大腹皮

丁香

訶梨勒

乾薑 炒五

白朮

草豆蔻

陳皮 去白 炒

桂心 三分

共末。薑水煎三錢服。

冷痰

論曰。氣為陽。陽不足者。不能消燦水飲。遇脾氣虛弱。氣道痞膈。則聚飲而成痰。浸漬腸胃。上為嘔逆吞酸。下為洞泄寒中。久不已。則令人消瘦。倚息短氣。妨害飲食。昔人治痰飲。多以溫藥和之。為此故也。半夏湯 治冷痰癖飲。胃膈痞滿。嘔逆不止。

半夏湯泡七次 薑製三兩 人參 白朮 附子

甘草 赤朴 桂心

薑水煎三錢服。日二。

吳茱萸湯 治胸中塞痰。心下煩滿。欲吐不下食。

吳茱萸洗炒 人參 半夏薑汁炒 桂心二兩

甘草一兩

薑棗水煎三錢。空心溫服。日二。

半夏湯 治胃中冷痰。嘔逆消食。溫胃止逆。

半夏 杏仁 陳皮二兩 桂心

甘草一兩 木香 乾薑五錢

薑水煎三錢。空心溫服。

吳茱萸湯 治胃中冷痰吐酸水。胸中不快。

吳茱萸湯洗炒 附子 半夏薑汁炒

用薑水煎三錢。空心溫服。

丁香半夏丸 治胃中冷痰。利胸膈。和脾胃。進飲食。

丁香 香一兩

半夏 薑汁炒

人參

木香

藿香 香五錢

肉豆蔻 煨二枚

陳皮 五錢

共末。薑汁糊為丸。薑湯下二十丸。

法製半夏 治冷痰。利胸膈。一切諸痰並治。

半夏 夏酒浸一日 白礬 四兩

丁香皮

草豆蔻 三兩

同入酒浸。春夏七日。秋冬十五日。取出洗過焙乾。每嚼五六粒。茶酒任下。

熱痰

論曰。熱痰者。由氣滯壅塞。津液不通。熱氣與痰水相搏。聚而不散。若咽喉乾燥。或塞或壅。頭目昏重。咳唾稠濁。面目赤熱。是其症也。

鵝梨煎丸 治熱痰。涼心肺。利胸膈。解毒補元益氣。

鵝梨 大者二十枚 去皮渣取汁

皂莢 十條 去皮 懷生地黃 八兩 搗取汁

薄荷 生搗取汁

白蜜 煎成膏

白茯苓

木香 肉蓯蓉 白蒺藜炒去 牛膝

半夏一兩 雲白朮 羌活三分 檳榔煨三分

山藥 青皮炒去白 防風 炙甘草

桔梗三分

共末搗膏為丸。如梧桐子大。荆芥湯下二十九。

千金散 治熱痰壅盛。胸膈不利。

半夏薑汁 蛤粉五錢 甘草 羌活

凝水石煨三錢

共末水下三錢。空心服。以利為度。

丹砂丸 治熱痰壅盛。虛煩躁渴。

丹砂半為 膽南星 枯礬一兩 炙甘草五錢

半夏製末作糊

共末用薑汁糊為丸。如梧桐子大。丹砂為衣。每服薑湯下二十九。

麥冬湯 治胸間熱痰不思食。

麥冬 人參 前胡 葛根
 犀角一兩 桔梗五錢 蘆根二兩
 水煎五錢空心服日二

膈痰積實

論曰。膈痰者。氣不升降。津液痞澀。水飲之氣。聚於膈上。久而結實。故令氣道奔迫。痞滿短氣。不能眠臥。甚者頭目旋運。常欲嘔吐是也。

金箔丸 治膈痰結實。咽喉不利。咳嗽喘息。

金箔五十 牛黃 麝香五分 冰片

珍珠無油而白者入 卷砂一錢 丹砂一兩

甘草二兩 馬牙硝一錢

共末。蜜丸。如芡實大。金箔爲衣。人參湯或薄荷湯下一丸。

半夏丸 治膈痰結實。滿悶喘逆化痰。

半夏薑汁製 皂莢五挺去皮揉

生薑五兩與半夏搗作餅炙乾

爲末。蜜丸。如梧子大。薑湯下二十九。

犀角湯 治膈痰結實。頭目昏運。不思食。咳嗽煩渴。

犀角

人參

片 苓

柴胡一分

麥冬

白茯苓

升麻五錢

甘草半分

薑水煎三錢。空心服。

膈痰風厥頭痛

論曰。膈痰風厥頭痛者。謂膈上有痰。氣不下行。復感風寒。因之風痰相結。其氣厥逆。上攻於頭。故令頭痛。亦有數載不已。連額痛者。蓋風寒在於骨髓故也。

玉露丸 治風痰氣厥。攻擊頭痛。胸膈不利。嘔逆少食。

半 夏薑搗 白附子 膽南星二兩 冰片一分

枯礬三分

共末。薑汁糊爲丸。如小豆大。薑湯下二十九。

菊花散 治風痰氣厥。頭疼昏眩。

甘菊一兩

防風五錢

白附子

枳殼三分

甘草一分

共末。空心茶下二錢。

犀角半夏丸 治風痰攻衝頭痛。

犀角

半夏

木香

桔梗二兩

人參

天麻一兩

檳榔煨

青皮去白炒三兩

丹砂飛過一兩

共末。薑汁糊為丸。如小豆大。空心薑湯下二十九丸。

此藥能利咽膈。和胃。進飲

食去風痰。

金箔犀角丸 治風痰氣厥。攻擊頭痛。痰逆惡心。

金箔

犀角

膽南星

枯礬一兩

丹砂飛過一兩

丁香

冰片

麝香一分

天麻五錢

半夏生薑煎二兩

共末。用大棗肉為丸。如梧桐子大。空心薑湯下二十九丸。能退風壅化痰涎。

川芎湯 治胸膈風痰氣厥。上攻頭痛。嘔吐痰飲。

川芎

獨活

防風

細辛

藁本

旋復花

蔓荊子 一兩

石膏

甘草

荆芥穗 五錢

用薑水煎三錢服。

前胡飲 治痰嘔逆頭目不利。

前胡

赤茯苓

人參

陳皮 去白

枇杷葉 去毛炙

旋復花

半夏 一兩

薑水煎三錢。空心服。日二。

消渴門

二消統論

論曰。消瘴者。膏粱之疾也。肥甘之過。積為脾瘴。瘴病既成。乃為消中。皆單陽無陰。邪熱徧勝故也。養生之士。全真鍊氣。濟其水火。互於適平。若乃以慾竭其精。以氣

耗其真。所受乎天者。既已微矣。復飭肥甘。或醉醇醴。貪餌金石。以補益。壯溫熱。以自救。使熱氣熏蒸。虛陽暴悍。腎水燥涸。無以上潤於心肺。故內外消鑠。飲食不能滋榮。原其本則一。推其標有之。一曰消渴。以渴而不利。引飲過甚言之。二曰消中。以不渴而利。熱氣內消言之。三曰腎消。以渴而復利。腎燥不能制約言之。此久不愈。能為水腫癰疽之病。宜慎此者。服藥之外。當以絕嗜慾。淡滋味為本。

消渴

論曰。消渴者。渴而引飲。乃復澀少是也。得之五石之氣。內燥津液。腎氣不化。故渴甚而澀少也。久之不治。則經絡壅澀。留於肌肉。變為癰疽腫毒瘡癤之候。
桃紅散 治三消渴病。

石膏

鉛丹

赤石脂

白石脂

括蕪根 一兩

炙甘草 五錢

共末。空心溫水下二錢。日二。

沃焦散 治三消渴病。飲水無度。小便短少。

泥鰾魚十條陰乾去頭尾燒灰研

荷葉陰乾

共研勻用新汲水下三錢日二不思水即止。

葛根丸 治消渴日飲水數斗不止。

葛根

附子

括蕒根

鉛

丹兩炒一

共末入蜜杵丸梧子大用茅根湯下二三十丸。

神應丸 治消渴津液內耗飲水不休溺少。

桂府滑石飛過

寒水石研五錢

用鷄子一枚取孔去黃將清和末如膏入殼封固外以鹽泥包裹曬乾煨赤以

藥細研大人飲下二錢小兒五分。

止渴括樓飲 治因好熱麵炙博及熱藥并乳石三焦氣膈心肺乾熱口乾舌焦。

飲水無度小便數多心欲狂亂服此急救。

括樓一枚要用黃熟者去皮用瓢并子

冬瓜中樣大者一枚去蒂入括蕒瓢子

用黃土泥裹瓜半指厚陰乾以火燒通赤去泥就熱將瓜爛研絞汁約七八合。

入蜜二兩和勻稍冷分作三服臟腑熱竭即不思水小便自無如括蕒未熟時。

獨燒冬瓜服之亦妙。

生津丸 治消渴疾。津液內耗。飲水不止。溲少。

青蛤粉

白滑石 飛過一兩

共研勻。用黃頰魚涎和丸。小豆大。陳粟米飲下。二三十丸。日二。

猪脊骨飲 治消渴久不差。

雄猪脊骨 五寸 炙甘草

黑乾薑 半分

大棗肉 二十枚

用水三升煎二升。發時和熟水。不拘時服。以差為度。

竹龍散 治消渴引飲不止。溲少。服之止渴利便。

五靈脂 醋化礮去砂石 黑豆 五錢

共末。用冬瓜湯下二錢。無瓜時用葉與子煎湯。日二。小可渴只用一服。差後

不可服熱。惟宜服八味丸。仍用五味子代附子。

八味丸 治消渴愈後服。發時服之俱妙。

懷熟地 四兩

山藥

山萸肉

白茯苓

牡丹皮 二兩

澤瀉

五味子

桂心 一兩

共末入蜜杵丸。梧子大。鹽湯下二三十丸。

甘露散 治消渴飲水不止。

猪胞乾者十枚

剪破洗淨以火燒烟止研末。空心酒下一二錢。日二。

生津液梅蘇丸 治消渴膈熱煩躁。

白烏梅

紫蘇

烏梅肉五錢

人參一分

炙甘草兩半

訶勒皮一兩

百藥煎三兩

麥冬三分

共末用黃蠟汁和丸。芡實大。津化一丸嚥下。暑月行路止渴甚妙。

人參煎方 治消渴。

人參一兩

葛根二兩

共末發時用燔猪湯一升入末三錢。蜜二兩。慢煎取汁三合。自稠如錫收貯。夜

飯後含化一匙。津下重者。不過三服。

牛膝丸 治消渴下元虛損。經久不止。

牛膝五兩

生地汁五升

以汁浸末。夜浸日曬。汁盡爲度。入蜜杵丸。梧子大。酒下三十丸。久服壯筋骨。駐顏色。黑鬚髮。

薑魚丸 治消渴飲水不止。

生薑

切片焙乾爲末。用鯽魚膽汁和丸。梧子大。米飲下七丸至十丸。

鷄臍脰散 治久渴不差。旬日見效。

鷄臍脰黃皮

鷄腸五具

鹿角膠

白龍骨煨

白石脂一兩

桑螵蛸二十一

土瓜根三兩

川黃連

牡蠣童便

苦參二兩

漏蘆一

共末。空心飲下二錢。日二。

黃連牛乳丸 治消渴。

川連一斤

麥冬二兩

牛乳

生地汁

生葛汁四兩

二味共末。用乳汁煎沸杵丸。梧子大。空心飲下二三十丸。日二。

竹葉湯 治消渴飲水不輟。多至數斗。

甘竹葉切

大麻仁炒

赤稗米升一

薤白兩切二

鹿

蹄四隻湯泡去皮
毛骨肉研細

白茯苓一兩

共分八服。先以水三鍾煎麻仁、竹葉取汗。入藥煎一鍾。微微飲之。渴止為度。

消渴煩躁

論曰。消渴煩躁者。陽氣不藏。津液內燥。故令煩渴。而引飲且躁也。內經謂諸躁狂越。皆屬於火。蓋以心腎氣衰。水火不相濟故也。

蘆根湯 治消渴心脾中熱。煩躁不止。下焦虛冷。小便多。羸瘦。

蘆根一斤

括樓根

牡蠣便碎

黃耆二兩

知母二兩

生麥冬六兩

水煎三錢。空心溫服。日二。

翠碧丸 治煩渴不止。咽乾躁熱昏悶。

青黛

麥冬

葛根

懷生地二兩

括樓根三分

寒水石服三兩

膽星

知母五錢

共末用陳米糊丸梧子大。金箔為衣。煎人參竹葉湯下十五丸至二十九丸。日二。天冬煎方。治消渴煩躁。引飲無度。驚悸不安。

生天冬半斤

白蜜煉五兩

用水五鍾。煎天冬至三鍾。以汲水淘數次。別以熱水一鍾。入蜜攪勻。浸天冬五日。每食後。食天冬一兩差。

白茅根飲。治丹石并熱藥發動。毒氣不宣。心肺躁熱。煩渴飲水不止。旋作小便。久之即為癰疽腫毒。

白茅根

麥冬兩半

白茯苓三兩

桑白皮二兩

露蜂房炙黑一兩

共粗末。如黍米大。水煎四錢。淡竹葉十二片。大棗二枚。溫服。日二。

消渴小便白濁

論曰。消渴飲水過多。久則滲漏。脂膏脫耗。精液下流。胞中與水液渾濁。隨其所之。

與小便利下凝膏。故謂之消渴。小便白濁也。

腎瀝湯 治消渴小便白濁如脂。

白羊腎一對去脂膜切

五味

杜仲

生薑

黃耆兩半

懷生地一兩

人參五錢

大棗五枚

磁石三兩打碎洗去黃水綿裏煎

藥分二劑。先以水四升煎腎與磁石二升。入藥再煎八合。去滓分二服。

山茱萸丸 治消渴飲水極多。肌體瘦弱。小便如米泔。腰膝冷痛。諸方不能治者。

山黃肉

括樓根

苦參

土瓜根

龍骨研兩半

川連三兩

共末。用生括樓汁搗丸。梧子大。飲下三十丸。日二。

川連丸 治消渴飲水不知休。小便如脂。舌乾口渴。

川連

括樓根五兩

共末。用生地汁搗丸。梧子大。牛乳下三十丸。

肉蓯蓉丸 治消渴下焦冷。小便如脂泔。

肉蓯蓉

丹皮

川歸

五味子

巴戟天

地骨皮

白龍骨

韭子

甘草

懷熟地

澤瀉一兩

磁石醋碎七次

赤石脂

人參兩半

白朮

禹餘糧分三

桑螵蛸

炙四

共末入蜜杵丸梧子大。牛膝湯下二三十九丸。日二。

久渴

論曰。消渴之病。本於腎氣不足。下焦虛熱。若病久不愈者。邪熱蘊積。榮衛滯澀。精血衰微。病多傳變。宜知慎忌。凡忌有三。一飲酒。二房室。三鹹食及椒麵炙燻。又消渴病經百日以上者。當忌針刺。若妄針灸。則瘡上漏水。變成癰疽矣。腎瀝湯治久消渴飲水不絕。

遠志

赤茯苓

人參

川歸

龍骨

澤瀉

懷熟地

川芎

片 苓

桂 心二兩

五 味三分

麥 冬二兩

羊 腎一對

用水三鍾。煮羊腎取汁煎藥五錢。入薑棗溫服。日二。

升麻黃芩丸 治久渴不止。

升 麻

片 苓

麥 冬五兩

人 參

生 地三兩

苦 參八兩

括樓根七兩

川 連

川 柏五兩

共末用牛乳和丸梧子大。飲下三四十九。

消渴後成水

論曰。脾。土也。土氣弱則不能制水。消渴飲水過多。脾土受濕而不能有所制。則泛溢妄行於皮膚肌肉之間。聚為浮腫脹滿而成水也。瞿麥穗湯 治消渴欲成水氣。面目膝脛浮腫。小便不利。

瞿麥穗

澤 瀉

滑 石飛過五錢

子 苓

大黃分一

桑螵蛸四枚

防己三分

水煎三錢。溫服。頃又服。

赤茯苓湯 治消渴後頭面脚膝浮腫。胃氣虛弱。不能下食。心胸不利。或時吐逆。

赤茯苓

人參

白朮

前胡

紫蘇一兩

陳皮

檳榔

木香

桂心三分

甘草五錢

薑棗水煎三錢服。

消渴後成癰疽

論曰。消渴則隨飲而出。皆作小便。由少服乳石所致。久則榮衛損傷。精血不足。肌膚減耗。石氣增熾。隨附經絡。津液內竭。經絡凝澀。榮衛不行。熱氣留滯。故變為癰疽。此當精窮治法。恐毒氣不出。穿通臟腑也。服熱毒助陽藥同一治法

玄參

犀角

木香

沉香

芒硝

黃耆

羚羊角一兩

甘草三分

共末空心溫水下二錢日二。

磁石散 治消渴後經絡壅熱結成癰疽。

磁石引鐵者醋碎二引次一兩研

生地

黃耆

地骨皮三分

檳榔

五味子

桂心

枳殼五錢

共末溫水下三錢日二。

石膏湯 治消渴後成癰疽。

石膏

知母兩半

栝樓根生去皮半斤搗取汁如無以乾者四兩代之

犀角一兩

升麻三分

土瓜根生去皮半斤搗取汁如無以乾者四兩代之

水煎藥三錢入小麥少許去滓入二汁各半合溫服日二。

桑白皮湯 治消渴後心肺氣獨盛結成癰疽。

桑根白皮東引者蜜炙半斤

用水煎三錢空心溫服日二以差為度。

消中

論曰。消中者。不渴而多溲。一名內消。以邪熱熏鑠五臟。然後外及肌肉形體也。得之少年。餌石。房室太甚。真氣耗憊。石氣孤立。結於腎。則腎實。腎實則消水漿。故不渴而小便利多。不得潤養五臟。使所食之物。皆消為小便。治宜滋腎水。養津液。則差。

天冬丸 治初得消中。食已如飢。手足煩熱。背疼悶。小便白濁。

天冬兩半 心二

鷄內金三具 微炙

知母

土瓜根

五味子兩半 微炒

桑螵蛸炙十枚

鹿茸去毛炙

澤瀉

赤石脂兩半

牡蠣童便碎二兩

苦參一兩

共末入蜜杵丸。梧子大。飲下二十九。

薺苳湯 治內消所食物。皆化作小便。兼治強中。

薺苳

大豆

人參

白茯苓

石膏

葛根

括樓根

子芩

甘草

知母

磁石 醋碎

水煎五錢。溫服。日二。

牡蠣丸 治消中食已即飢。手足煩熱。背膊疼悶。小便稠濁。

牡蠣 醋碎

赤石脂

括樓根

肉蓯蓉 一兩

知母

澤瀉 瀉去毛

天門冬

土瓜根

桑螵蛸

五味子

鹿茸

川連

子芩 三分

懷熟地 兩半

共末。入蜜杵丸。梧子大。飲下三十九丸。日二。

猪肚連丸 凡消渴變為消中者。飲食到胃腑。即時消化。小便多而色白。飲食過

人而不覺飽者。是為消中。

雄猪肚 一枚洗去脂膜

川連 去蘆五兩為末

以大麻子仁二合。研水四升。調如杏酪汁。煎肚候爛。入連末。蜜縫蒸極爛。乘熱

搗丸。梧子大。暴乾。飲下三四十丸。臨臥再服。

肉蓯蓉丸 治消中真氣耗憊。小便無度。

肉蓯蓉二兩

人參

五味子

巴戟天

炙甘草

括樓根

地骨皮

丹皮

澤瀉

懷熟地

韭菜子一兩

桑螵蛸炙三枚

禹餘糧

燒紅醋碎
二十七次

龍骨

赤石脂

磁石醋碎
二十七次

共末入蜜杵丸梧子大牛乳汁下三十丸

消腎

論曰。消腎者。由少服石藥。房室過多。精血虛竭。石勢孤立。腎水燥涸。渴引水漿。下輸膀胱。小便利多。腿脛消瘦細小。小便數。或赤似血色。骨節痠疼。故名曰消腎。地黃湯。治消腎。腿脛消瘦細小。小便數似血色。臟腑虛冷。

懷熟地

麥冬二兩

桂心

炙甘草

川續斷

白蒺藜炒五

黑乾薑一兩

水煎三錢溫服。日二。

山茱萸丸

治消腎自腰以下。瘦弱無力。小便數不禁。

山萸肉

牛膝

桂心

韭菜子兩炒一

黃耆蜜炙

肉苁蓉酒洗

杜仲鹽酒炒斷
絲兩半

共末入蜜杵丸梧子大黃耆湯下二十九日二

人參鹿茸丸 治消腎肢體瘦弱無力小便數

人參

黃耆蜜炙
三分

鹿茸一兩

括樓根

桑螵蛸炙一兩

兔絲子酒煮
兩半

杜仲鹽酒
炒

山萸肉三分

雞臍脰黃皮炙四枚

共末入蜜杵丸梧子大棗肉湯下三四十丸日二

磁石湯 治消腎小便白濁如凝脂形體消瘦

磁石六兩搗如米粒分作二
十貼煎用綿包入同煎

黃耆炙

杜仲鹽酒
炒

人參兩半 懷熟地二兩

水三鍾先煮羊腎一對切片煮取汁二鍾入磁石一分再煎鍾半用汁煎藥四

錢服日二

金銀箔丸 治消腎口乾眼澀陰痿手足煩疼小便多

金箔

銀箔片一百

葛根

白茯苓

懷生地三兩

肉蓯蓉

天冬

麥冬二兩

川連四兩

括樓根

丹砂飛二兩

黑乾薑

五味

巴戟天

澤瀉兩半

共末入蜜杵丸。梧子大丹砂為衣。空心飲下二十九。日二。

人參附子湯。治消腎飲水無度。腿膝瘦細。小便白濁不差。

人參

附子

青黛五錢

水煎楮葉二片。取汁煎二錢溫服。日二。

聖濟總錄纂要

卷九

消渴門

消腎

四二

聖濟總論纂要

清 新安 程 林雲來纂輯

鄞縣 曹炳章赤電校點

卷十

水病門

水病統論

論曰。內經謂腎者胃之關也。關門不利。故聚水以從類。上下溢於皮膚而爲臑腫。臑腫者聚水而生病也。其狀目窵上微腫。若新臥起然。頸脈微動。時作咳嗽。股冷膚腫。口苦舌乾。不得正偃。正偃則咳清水不得臥。臥則驚而咳。甚則小便黃澁。以手按腫處。隨手而起。如裹水之狀是也。以脈別之。脈沉者水病也。洪大者可治。微細者難治。水病有不可治者五。唇黑傷肝一也。缺盆平傷心二也。臍出傷脾三也。

足下平滿傷腎四也。背平傷肺五也。蓋脾腎氣虛。三焦閉塞。至陰之氣內蓄。巨陽之氣不得宣通。如是則水道不利。飲濕攻脾。散於肌肉而為水腫之病矣。

水腫

論曰。水腫之病。以脾胃氣虛不能制水。水溢妄行。溢於皮膚。其脛股冷。膚腫時作。咳嗽不得安臥。小便黃澁。以手按腫處。隨手而起是也。

妙香散 治一切水氣。四肢腫滿。

烏藥生

青皮

良薑

藿香子 一兩

水煎三錢溫服。

煖腎散 同前。

巴戟天

甘遂 炒一

木香

葶藶

沉香 一分

陳皮

羌活 醋炒

麥蘗 五錢

膩粉 一錢

澤瀉 一分

檳榔 生一枚 熟一

共末。用猪腰切滲末二錢。紙包煨。先食粟米。葱粥半碗吃腰。又食粥。臨臥服。至

五更。大小便下赤黃惡物愈。

大黃湯 治水腫腹滿。

大黃 醋炒

桑白皮 二兩

人參

甘草

桂心

細辛 一兩

水煎五錢。入棗二枚去滓。入白錫一匙。沸服。日三。利小便三五升差。

檳榔丸 治水腫。

檳榔 微煨

附子

防己

紫朴

吳萸

乾薑

葶藶 炒紫

杏仁

甘草

椒目

赤茯苓

括蕒仁

海藻

麻黃 去節

白朮

黃耆

桂心 兩半

共末。蜜丸。梧子大。飲下二十九丸。二便利為效。

十水

論曰。十水之病。腫從脚起。上氣而咳。名爲白水。其根在肺。腫從面目起。名爲清水。其根在肝。腫從腹肉起。名爲黃水。其根在脾。腫從脚趺起。名爲黑水。其根在腎。腫從心起。名爲赤水。其根在心。腫從腹起。名爲氣水。乍實乍虛。乍去乍來。其根在大腸。腫從頭面起。至足。名爲垂水。其根在膽。腫從內起。堅塊。四肢小腫。名爲石水。其根在膀胱。腫從四肢起。腹大。名爲風水。其根在胃。腫從腹內起。名爲裏水。其根在小腹。凡此十水。生於臟腑。各從其根。究其所本。則肺與腎而已。故內經云。其根在腎。其本在肺。皆積水也。又曰。津液充郭。其魄獨居。精孤於內。氣耗於外。形不可與衣相保。蓋腎氣虛弱。水氣脹滿。上攻於肺。肺氣孤危。腎爲水害。子不救母。故陰精損於內。陽氣減於外。三焦不溢。水道不通。水滿皮膚。身體痞腫。治之之法。備見內經。故曰。平治於權衡。去菟陳莖。微動四極。溫衣繆刺其處。以復其形。開鬼門。潔淨腑精。以時服。五陽已布。疏滌五臟。則精自生。形自盛。骨肉相保。巨氣乃平。賜名神助散。舊名葶藶散。治十種水病。百方不愈。面目四肢俱腫。氣息喘急。眠臥不安。小便漸澀。腹脹氣悶。水不入口。垂命欲絕者。

椒

目微炒
三兩

猪
苓

澤
瀉四兩

牽
牛炒香
五兩

苦葶藶兩六

共末薑水煎三錢。入葱白三莖。酒半鍾。稍熱下。良久吃葱白粥一碗。酒一鍾。面東熱喫。至子後。二便通利。喘定腫減。間日再服。百日盡消。

補藥木香丸 取下水氣。

木香

青皮一錢

莪朮二錢

共末糊丸。梧子大。湯下十九丸。

靈保丸 治十水。

滑石二兩

膩粉一兩

共研木瓜汁。丸小豆大。五更飲下七丸。日只一服。服七日。覺臍腹撮痛。小便多。為效。忌鹽百日。覺效。便服補脾胃藥。

再蘇丸 治十種水氣。大通三焦。此方仙經所載。天台山金壇石室中鑄記。但令

人忌口。無不差者。

大戟炒

甘遂炒

桂心

乾薑

春大麥麵炒

巴豆麵炒去油

大黃炒

共末。蜜丸。小豆大。茶下十丸。取利爲度。

桑白皮飲。治氣水面目浮腫。胸滿短氣。小便不利。

桑白皮

赤芍

郁李仁

百合兩半

木通二兩

大腹皮五枚

水煎五錢。空心溫服。日二。

風水

論曰。內經云。腎者北藏也。腎主水。故人勇而勞。甚則腎汗出。腎汗既出。復感於風。內不得入於臟腑。外不得出於皮膚。客於玄府。行於皮裏。傳爲胛腫。本之於腎。名爲風水。其脈自浮。其外症骨節疼痛而惡風。且身腫如裹水之狀。頸脈動時咳者。是也。金匱方云。脈浮而洪。浮則爲風。洪則爲氣。風氣相搏。身體洪腫。汗出乃愈。惡風者爲風水。不惡風者。小便通利。上焦有寒。其口多涎。此爲黃汗。二者之症。不可不察。

麻黃石膏湯。治風水偏身洪腫。骨節疼痛惡風。汗出不仁。

麻黃去根節六兩

石膏八兩

白朮三兩

附子一枚

甘草二兩

薑棗水煎服。

大豆湯 始風水一身腫滿。短氣欲絕。

杏仁三兩

防風

白朮半兩

赤茯苓

防己

麻黃去根節

甘草二兩

黃耆一兩

水煎五錢。入大豆酒一合。日三利小便愈。

防己湯 治風水脈浮。浮為在表。其人或頭面汗出。而表無他病。但腰已下跗腫。

防己

白朮二兩

甘草一兩

黃耆半兩

薑棗水煎三錢。空心溫服。日二。如喘加麻黃去根節。身重胃中不和。加桂心。

心下久寒。加細辛。每服藥取汗愈。

石水

論曰。腫從內起。堅塊。四肢遊腫。名為腎水。其根在膀胱。蓋腎主水與膀胱。膀胱者

州都之官。津液藏焉。氣化則能出矣。今腎虛則膀胱氣弱。膀胱氣弱則不能化氣。而隱滯不能行。水液停結於臍腹間。故其症胸腹鼓滿。按之如石。脇下脹痛。其脈沉遲。身體發熱。四肢頭面皆腫也。

桑白皮湯 治膀胱石水四肢瘦。

桑皮 三兩 白朮

射干

赤茯苓

猪苓 苓二兩

澤漆 炒

澤瀉 炒

防己 一兩

水煮大豆半合。取汁煎三錢。溫服。日二。

楮白皮湯 治石水四肢細瘦。獨腹腫大。狀如懷孕。心中妨滿。食即氣逆。

楮皮

桑皮

防己 兩半

白朮

射干

赤茯苓 一兩

澤漆 炒

大豆 錢五

水酒合煎三錢。溫服。

杏仁丸 同。

杏仁 去皮 尖炒

苦瓠 去膜微 炒一兩

共末。糊丸。梧子大。飲下二十九丸。水出為度。

大腹水腫

論曰。內經云。水病下爲跗腫大腹。又曰。上下溢於皮膚。故爲跗腫。其症腹大。四肢小。陰下溼。手足逆冷。腰痛上氣。咳嗽煩疼是也。蓋三焦閉塞。水道不通。流溢皮膚。榮衛否澁。內連腹膜。則至陰內動。脹急如鼓。得病之本。多因大病之後。或積虛勞損。或新熱食畢。入水自漬。及浴冷水。水氣不散。理宜然也。

牛黃丸 治大腹水腫。氣息不通。症候危篤者。

牛黃五錢 昆布

牽牛

海藻

桂心一兩

椒目

葶藶炒紫

共未蜜丸。小豆大。飲下十丸。小便利爲度。

蘇合香丸 治水氣腹大腫。

蘇合香

水銀水浸煮一伏後入研

白礬末一兩

共研蜜丸。小豆大。空心飲下十丸。

丹參酒 治久患大腹病。其狀四肢細瘦。腹大。有勞苦則脛腫。滿食則氣急。此病

服下利藥不差。宜用此酒。以散除風溼。利小水。

丹參

鬼箭羽

白朮土炒

知母

赤茯苓一兩

秦艽七分

猪苓

海藻水洗

真獨活

桂心三分

共為粗末。以白酒五升。浸五日。每服一鍾。日三。

水腫效逆上氣

論曰。內經謂腎為水腫。肺為喘呼。氣逆不得臥。蓋腎主水。肺主氣。腎虛不能制水。水氣脹滿。上乘於肺。肺得水而浮。故虛而咳嗽。古方有云。腫從脚起。上氣而咳。名曰白水。其病在肺。

緒澄防己煎散 水腫上氣。

防己

澤漆葉

澤瀉五兩

白朮

丹參

赤茯苓

桑白皮

陳皮

木通三兩

郁李仁五合

水煎五錢。入生薑。日三。小便利爲度。

防己湯 水氣欬逆上氣。四肢浮腫。坐臥不安。

防己

甜葶藶炒

木通

桑白皮

赤茯苓一兩

陳皮二兩

澤漆五錢

郁李仁微炒

百合一合

水煎五錢。

鯉魚湯 水腫腹大。喘欬。胸脅滿。不得臥。

鯉魚一尾二斤去鱗腸

桂心三兩

防己

黃芩硝石研

人參二兩

用水一斗。煮魚取汁五升。每二鍾煎末五錢。日三。

雌雞湯 胸中喘。嗽逆。水氣身腫。利小便。

雌雞白者一隻

白朮

半夏一兩

澤漆二兩

炙甘草兩半

粗搗篩。用東流水五升。煮雞取汁。入藥五錢。薑棗。赤小豆煎服。日三夜一。

澤漆根湯 水在肺。令人咳嗽。上氣。腹大脚腫。目下如臥蠶。微渴不得臥。小便難。少而數。胸滿隱痛。此水氣迫肺。宜利小便。

澤漆根兩生四

人參

麥冬

炙甘草

赤茯苓一兩

鯉

魚

三尾大一斤水三升。煮魚汁煎三錢。日三以利為度。未利稍增。寒加生薑。

水氣徧身腫滿

論曰。腎主水。脾胃主土。土尅水。胃為水穀之海。其氣虛不能傳化水氣。使水氣浸漬水臟。又脾得水溼之氣。土衰不能制水氣。溢歸於腎。腎虛三焦不瀉。經絡閉塞。故水氣溢於皮膚。傳流四肢。所以通身腫也。其候上氣體重。小便黃澁。腫處按之。隨手而起是也。

木通湯 徧身腫。

木通

苦葫蘆兩半

防己

澤瀉三分

猪苓

海蛤一兩

酒水煎五錢。入葱白溫服。當下小便數升。腫消。

鯉魚湯 水病通身洪腫。

鯉魚一斤 澤漆微炒 人參兩半 杏仁炒五錢

共末水三升。煮魚以汁煎末三錢。日三。小便利乃止。

海蛤丸 水腫腹滿。四肢瘦喘促。小便澁妨悶。

海蛤研二兩 木香 防己 厚朴

訶勒皮 旋復花一兩 桂心五錢

共末。蜜丸梧子大。大腹皮湯下二十九。

枳實湯 水氣。

枳實去白 白朮 升麻 炙甘草

紫苑 知母 桑白皮 赤茯苓

黃耆 秦艽 麥冬 黃芩等分

葱白水煎三錢。

白朮湯 水氣渴腹脇脹滿。

白朮 人參 赤茯苓 炙甘草

水煎五錢服。

平補鹿茸丸 水氣平愈。體瘦如舊。

鹿茸炙

菝蓉酒洗

地黃

兔絲子酒炒

柏子仁一兩

白茯苓

黃耆

防風

遠志

車前子

五味子

桂心五錢

蜜丸梧子大。飲下三四十九。

水蠱

論曰。水腫之狀。腹膜腫脹。皮膚粗黑。搖動有聲。此由脾胃氣虛。溼氣淫溢。久不治。則害人。如蠱之毒。故謂之水蠱。

大黃湯 水蠱二便不通。急脹壅塞。

大黃兩半

麥冬三分

川連

甘遂微炒

茅根一兩

貝母三分

水煎二錢。

瞿麥湯 水蠱腹脹滿急。小便不通。縱有少而黃赤。

瞿麥穗

車前

滑石

茅根

甘遂炒

苦參等分

水煎二錢。日三。

分水氣海蛤丸 水蠱腹脹喘嗽。

海蛤煨五錢

凝水石

滑石一兩

膩粉

粉霜一錢

白丁香五十枚

共末。麵和作餅子。紙包煨熟為末。糊丸菉豆大。酒下二十九。

鼠尾草丸 水蠱

鼠尾草

馬鞭草各五斤

水五斗。煮二斗。取汁再煎成膏。為丸小豆大。以輕粉為衣。飲下三丸。

惡實丸 水蠱身體洪腫。

惡實微炒

為末。糊丸梧子大。飲下十丸。勿嚼破。

瓠瓢煎 同前。

瓠 瓢一枚

水二升。煮一炊。去滓煎堪丸。卽丸小豆大。飲下十丸。取小便利後。勿飲水作小豆羹食之。

楮枝煎 蠱病水腫。

楮 枝半斤

水五升。煎半取汁。入黑豆末半升。煎成頻服一匙。

膜外氣

論曰。諸家方書。論水病甚詳。未嘗有言膜外氣者。唐天寶間有徒都子者。始著膜外氣方書。本末完具。自成一家。今并編之。然究其義。本於肺受寒邪。傳之腎。腎氣虛弱。脾土又衰。不能制水。使水溼氣散。溢於皮膚之間。氣攻於腹膜之外。其病令人虛脹。四肢腫滿。按之沒指是也。

徒都子論病本

臆外氣者。或謂之水病。起於他疾。不可常定。或因患瘧。或因積勞。或因腎臟中風。或因肺腑傷冷。或因膈上氣。或因衝熱遠行。或因酒肉中所得。始於肺。終於腎。或因咳嗽。或多涕唾。或因蓄聚冷氣。壅塞不散。遂使肺臟邪氣攻心。冷氣化爲水流。溢膀胱。在大腸膜外。所以切脈不能知。針灸不能及。蓋人腎爲命本。不可虛也。本固枝葉茂。本虛卽枯槁。况四時衰旺。皆乘腎臟之氣。腎損則五臟皆衰。是致胃閉而脾不磨。氣結而小便澁。輕重之候。在大小便耳。若小便不通。則氣壅攻擊。腹內衝出膜外。化而爲水。使人手足頭面浮腫。若二便微澁。則微腫。極澁則極腫。二便俱不通。三日卽徧身洪腫。則陰亦腫。夫陰腫有二。有腫而小便自出者。有腫而小便澁者。又有莖囊連小腹臍皆腫者。此並爲死候。宜速治之。若患此腫病。亦不常定。或先手足面目浮腫。或先腰肋微腫。或先手足小腫。其候或消或甚。三五日稍愈。又發。亦以小便通澁爲效。積漸變成洪腫。女人得之。與此略同。凡患此疾。令人腹脹煩悶。胸間氣急。此由肺脹。甚至喘如牛吼。坐臥行立不得。或中夜逆氣攻心。胸重者。一二年方死。有一二月死者。若將息失度。誤食毒物。十日半月卽甚也。愚醫多以針灸出水爲功。又以鯉魚赤小豆爲藥。又令病人飲黃牛尿。服商陸根。反

有所損。少有差者。大抵此病尤忌針灸。華陀云。患水病勿遇良醫。第一不可針灸。言氣在膜外。已化爲水。水出卽引出腹中氣。水盡則死。有此病疾者。宜向陽行坐。遇陰雨則愈覺壅滯。房中常須存火。服藥後夜臥覺胸間熱甚。宜含紅雪與好茶之類。慎勿飲酒及冷藥茶冷水。若渴宜喫五靈湯。錄在卷後。尤忌鹽生冷醋滑五靈湯 膜外水氣。

木通

訶勒皮

防己

赤苓

陳皮一兩

水煎五錢。覺熱喫好茶。

紫蘇煮散 膜外水氣。

紫蘇

防風

白朮

桑皮等分

共末。水煎。覺熱去白朮。加甘草。功效如前方。又有蛇蠱。狀如水病相似。四肢如故。小便不甚澁。但腹急腫而蠱脹。不下食。凡醫多誤作水氣治之。宜只細詳審。

聖濟總錄纂要

清 新安 程 林雲來纂輯

鄞縣 曹炳章赤電校點

卷十一

黃疸門

黃疸統論

論曰。疸病症有五種。一曰黃疸。二曰黃汗。三曰穀疸。四曰酒疸。五曰女勞疸。黃疸者。徧身面目悉黃如橘。黃汗者。身體黃腫。汗出如檠汁。不渴。狀如風水。穀疸者。食畢頭眩。心中怫鬱不安而發黃。酒疸者。心中懊痛。足腫滿。小便黃。面發赤斑黃黑。由大醉當風入水所致。女勞疸者。一身面目皆黃。發熱惡寒。小腹滿急。小便難。由大熱房室過度。此五者。症狀雖異。大率因酒食過多。水穀相並。積

於脾胃。復爲風濕所搏。熱氣鬱蒸。所以發黃爲疸。其症食已如飢。曰胃疸。額上黑。足下熱。曰黑疸。其因傷寒時氣後。變成黃者。緣陽明病無汗。小便不利。熱瘀在裏。心中懊懣。身必發黃。若被火額上微汗出。但小便不利。亦發黃。其狀如橘色。腹微滿。此由寒溼不散。瘀熱在於脾胃故也。又有九疸三十六黃。其症其名。悉各不同。治皆有法。具載後章。凡黃病當利其小便。疸而渴者。其病難治。疸而不渴。其病可治。

黃疸

論曰。內經謂目黃者曰黃疸。又曰。安臥脈盛。謂之黃疸。其外症身體面目及爪甲小便盡黃。其內症食已如饑。此由酒食過度。脾胃有熱。復爲風溼所搏。瘀結不散。熱氣鬱蒸。故發是疾。若面色微黃。身體或青赤黑色。皆見者。與純熱之症不同。當於溼家求之。諸黃疸發於陰部。其人必嘔。發於陽部。其人必振寒而發熱也。

茵陳蒿湯

治黃疸目黃小便如血心煩躁悶口苦頭痛

茵陳蒿

麥冬

山梔仁三分

木通

柴胡

括樓根一兩

炙甘草五錢

水煎五錢。入竹葉二七片。溫服。日二。

木通湯 治黃疸脾胃積熱。皮肉皆黃。煩躁口苦。小便赤澀。

木通

瞿麥穗一兩

懷生地兩半

大青

赤茯苓

白茅根

秦艽三分

水煎五錢。溫服。日二。

黃連湯 治黃疸。面目偏身皆黃。小便盡黃。

川連

大青

人參

地骨皮

茵陳蒿

山梔仁

子芩

柴胡

芒硝一兩

大黃兩二

水煎五錢。溫服。日二。

桃根湯 治黃疸。面目一身如金色。及一切疸病。

桃根皮

東引者一把如斂股者勿見風及避女人雞犬

水煎取汁。空心頻服。如眼中黃色未退時。飲酒一杯。

白鮮皮散 治一切黃疸。面目皮肉如金色。小便赤黑。口乾煩渴。

白鮮皮二兩 芒硝 大黃三兩 土瓜根

茵陳蒿 括樓根 白芍 川連

柴胡 山梔兩半 子芩一兩 真珠燒赤研

大青兩半

效。共末。用白茅根取汁下三錢。取利。至晚不利。再服。服了以葱豉粥投之。取利為

柴胡湯 治黃疸。身面黃口渴。

柴胡五錢 炙甘草一枚 白茅根一把

水煎溫服。未差再服。

秦艽煮散 治面身目爪甲小便俱黃。

秦艽一兩

用牛乳二鍾半。煎鍾半。分二服。未差再服。

茵陳蒿丸 治一切黃疸。并小便如金色。及身皮皆黃者。

茵陳蒿 四兩

大黃

片芩

山梔仁 三兩

共末。入蜜杵丸。梧子大。空心飲下。二三十丸。日二。

吳藍飲 治黃疸。身腫發熱。汗出而渴。汗著衣正黃。

吳藍

白芍

麥冬

白鮮皮

山梔仁

桑白皮 炙

防己 一兩

水煎五錢。溫服。日二。

急黃

論曰。諸發熱心顫。定必發為急黃。謂其卒然發黃。心滿氣喘。命在頃刻。故名急黃也。有初得病。身體面目即發黃者。有初不知是黃。死後變黃者。但先有其症。當急治之。此由脾胃有蓄熱。及客氣鬱蒸。又因熱毒所加。故發為斯病也。

茵陳蒿湯 治急黃。小便赤黃如梔子汁色。心中煩悶。

茵陳蒿

子芩

山梔仁

川連

大黃 微炒

白鮮皮 一兩

貝齒 煨

朴硝 研五錢

水煎五錢。去滓。入朴硝五分。沸服。日二。

茵陳川連湯 治天行急黃。身目如金色。

茵陳蒿

川連

子芩

大黃兩一

人參

炙甘草五錢

水煎五錢。空心溫服。日二。

龍膽草湯 治急黃。面目身體如金。躁欲飲水。

龍膽草一兩

石膏二兩

木通

土瓜根

大黃兩半

白茅根

朴硝研

犀角一兩

山梔五錢

水煎三錢。去滓。入朴硝末五分。沸服。

黑豆煎 治急黃。煩熱口乾。偏身悉黃。

黑豆一升

用水五大鍾。煎汁二鍾。入生地汁、藕汁、麥冬汁、白蜜各二合。酥半合。慢煎成膏。含化一匙。日三夜一。

陰黃

論曰。陰黃者。面黃頭痛。不發熱。不欲聞人聲音。此由陽伏於陰。邪氣熱盛。沉潛散於肌肉。身黃如橘。故謂之陰黃。昔人有言下之後。身目發黃者。當於寒溼中求之。此其類也。

秦朮湯 治陰黃。不欲聞人言語。小便不利。

秦 朮 一兩

赤茯苓

炙甘草

旋復花 五錢

用牛乳煎四錢溫服。

茵陳蒿散 治陰黃。身面如橘色。小便不利。

茵陳蒿 二兩

白 朮

猪 苓

赤茯苓 三分

桂 心 五錢

澤 瀉 去毛 一兩

共末。空心水下二錢。日三。

半夏湯 治陰黃。小便色不變。欲自利。腹滿而喘者。必噦。

半 夏 湯泡薑汁 一兩

人 參

葛 根 二兩

生薑水煎四錢。溫服。日二。

赤小豆散 治陰黃。

赤小豆

丁香

香各二十粒

麝

香研一錢

瓜

蒂一枚

青棉布灰二錢

共末。熟水下一錢。日二。以吐為度。又取少許吹鼻中。有黃水出效。

酒疸

論曰。胃虛穀少。醉以入房。冒犯風邪。胃中熱毒。隨虛入裏。小便黃赤。溼毒內聚。心下懊懣疼痛。熏發肌肉。則身目發黃。或發赤斑。足脛浮腫。或下之早。則變為黑疸。令人心如病饑。大便黑。皮膚不仁。治法概宜先去溼毒。後分小水。茵陳蒿湯 治酒疸。心中懊懣。小便黃赤。

茵陳蒿

葛根

赤茯苓五錢

升麻

秦艽一兩

括蔞根三分

山梔仁半分

水煎三錢。溫服。日二。以差為度。

艾葉湯 治酒疸。身目俱黃。心中懊痛。

艾葉生一把如麻無用乾者黃去根二兩大黃炒兩半

用酒煎四錢。入大豆半合。空心溫服。日二。

凝水石散 治酒疸。小便不利。或飲少洩多。如白泔色。

凝水石煨白石脂 括蕒根一兩

知母

桂心 兔絲子酒煮二兩

共末。空心飲下二錢。日二。

小麥飲 治酒疸。

生小麥

用水煎二合。取汁頓服。未差再服。

追毒飲 治酒疸。徧身發黃。

狗脊去毛酒蒸一兩白芥子 炙甘草一分

用酒一升。煎半升。分二服。以利下為度。未利再服。

大黃湯 治酒疸。心懊痛。脛腫洩黃。面發赤斑。

大黃兩二 山梔仁
水煎四錢。溫服。日二。

枳實兩一

大豉兩三

龍膽草兩一

穀疸

論曰。夫饑飽甚。則胃中滿塞。穀氣未化。虛熱熏蒸。遂為穀疸。其症心下懊悶。瞋睡。心忪。佛鬱發煩。小便不利。身黃如橘。是也。

茵陳蒿湯 治穀疸。食則目眩心忪。佛鬱不安。久久發黃。

茵陳蒿

柴胡兩四

子芩

龍膽草

枳實兩二

大黃兩一

山梔仁

升麻兩三

水煎五錢。溫服。日二。

若病人羸瘦而氣弱。去大黃。用懷生地五兩。山梔仁五兩。

苦參梔子丸 治穀疸。

苦參

子芩

山梔仁

龍膽草兩一

共末。用雄猪膽汁和丸。如梧子大。空心飲下二十九。日二。

胃疸

論曰。已食如饑者。胃疸也。夫胃熱則能消穀。今已食如饑者。以胃氣但熱而無陰也。然胃為足陽明。陽明之脈。絡屬於心。陽明得熱。則心火上行。陽炎過矣。故單陽成瘰。心嘈雜而身面黃。小便赤色也。

瀉熱湯

治胃中有熱。食已如饑。不生肌肉。面色萎黃。

生大黃

麻

黃去節

子芩四兩

甘草

杏去皮

赤茯苓

芒硝研

陳皮去白

澤瀉一兩

水煎三錢。溫服。日二。

蘆根湯

治胃熱壅盛。食已如饑。面黃口燥。

蘆根

麥冬

括蔞根一兩

知母

赤茯苓三分

生薑水煎三錢。入小麥一撮。竹葉、生地一分。溫服。日二。

赤茯苓湯 治胃積熱。食已即饑。面黃肌瘦。胸滿脇腹。

赤茯苓

陳皮

澤瀉

桑白皮二兩

白芍藥

白朮四兩

石膏研入

人參

桂心二兩

半夏薑炒

生薑水煎四錢。溫服。

犀角湯 治胃實熱。嘔逆不下食。

犀角屑

葛根三分

麥冬

枇杷葉去毛炙

生薑水煎三錢服。

黑疸

論曰。諸黃疸。酒疸。女勞疸久不已。皆變為黑疸。其狀小腹滿。身體盡黃。額上反黑。足下熱。大便黑是也。黃本脾病。脾者土也。脾病不已。傳其所勝。腎斯受之。腎為水藏。其經足少陰。其色黑。病在腎。故小腹滿。色黑。大便黑。足下熱。是皆足少陰經受病之症。

當歸湯 治諸疸久不差。變成黑疸。小腹滿。身黃額黑。

川歸三兩

桂心六兩

麥門冬

大黃兩炒一

黑乾薑

黃耆炙

茵陳蒿

子芩

赤茯苓

炙甘草

石膏研

川連

白芍藥

人參二兩

共十四味。剉如麻豆大。用生薑水煎三錢。空心溫服。日三。一方無黃耆。

土瓜根飲 治諸疸變成黑疸。諸醫所不能治者。

土瓜根

水煎取汁。每日空心服半鍾。其病隨小便出。即愈。須強壯人可半鍾。羸瘦人只

一合。無生者剉乾者一兩。水煎服。

女勞疸

論曰。脾胃素有溼熱。或緣大暑醉飽。房勞過度。引熱歸腎。溼氣交攻。小水不利。小腹堅脹。溼毒流散於肌肉之中。則四肢身面發黃。故謂之女勞疸。然其症又有額

上黑微汗出。手足心熱。薄暮即發。膀胱急。小便自利者。各宜隨其症而治之。
硝石礬石散 治女勞疸。身目皆黃。發熱惡寒。小腹滿急。小便難出。大勞大熱。房
室傷損。溼毒散於肌肉。

硝石

礬石燒枯一兩

共末。空心飲下一錢。覆衣取汗。隨利下小便。色黃。大便色黑。差未差再下。

犀角湯 治女勞疸及勞氣熱渴。額上汗出。手足熱。小便赤澀。

犀角

龍膽草一兩

升麻

炙甘草五錢

麥冬去心三分

生薑大棗水煎三錢。去滓。入生地汁一合。再沸服。日二。

髮灰散 治女勞疸。身目俱黃。惡寒發熱。小腹滿急。小便難。

亂髮雞子大一丸

猪脂半斤

用油慢火煎髮。令髮消盡。溫水下一匙。不拘時頻服。以小便利為度。

黃汗

論曰。黃汗者。汗出沾衣。色正黃如檠汁。故名曰黃汗。由脾胃有溼。瘀熱伏留。熏發肌肉。散而為汗。其症使人身體浮虛。骨癱疼痛。發熱汗出而不渴。是其候也。黃耆苦酒湯。治黃汗。身腫發熱。汗出而不渴。狀如風水。汗沾衣色黃如檠汁。脈沉。由夫汗出入水中浴。水從汗孔入而得之。

黃耆 蜜炙 五兩

白芍藥

桂心 三兩

用苦酒二鍾。煎五錢。空心服之。當心煩苦酒阻故也。日二服。

吳藍湯 治黃汗。身重發熱。汗出而不渴。狀如風水。汗出衣黃。

吳藍

防己

白鮮皮

山梔仁

桑白皮

麥冬 去心

白芍藥 兩半

水煎三錢。溫服。未效再服。

茵陳蒿湯 治黃汗。身熱不退。大小便不利。

茵陳蒿

木通

黃耆

赤芍藥

赤茯苓

炙甘草 一兩

大青 兩二

水煎五錢。溫服。頃再服。以二便通利為度。

山梔括蕞丸 治黃汗身熱。大小便不利。

山梔仁

括蕞根

苦參一兩

共末用醋浸雞子二枚。和丸梧子大。水下三十九。日三四服。

蔓菁子散 治黃汗如檠汁沾衣。身虛浮。

蔓菁子

為末用井華水空心下二錢。日二。以差為度。

二一十六黃

一、心黃

二、肝黃

三、脾黃

四、肺黃

五、腎黃

六、鬼黃

七、姦黃

八、血黃

九、人黃

十、髓黃

十一、癢黃

十二、急黃

十三、氣黃

十四、癩黃

十五、白黃

十六、陰黃

十七、膽黃

十八、驚黃

十九、風黃

二十、走精黃

二十一、酒黃

二十二、雞黃

二十三、蜒蚰黃

二十四、火黃

二十五、走馬黃
 二十六、房黃
 二十七、黑黃
 二十八、厭黃
 二十九、水黃
 三十、瓜黃
 三十一、腸黃
 三十二、犢黃
 三十三、氣黃
 三十四、猪黃
 三十五、土黃
 三十六、蝦蟆黃
 右三十六黃。有烙法。有灸法。有方法。中多奇證。大約是溫疫中壞證。必有之惡候也。然三法俱難用。故不刊載。今存其名。以備醫家博覽。

胸痺門

胸痺統論

論曰。虛極之人。爲寒邪所客。氣上奔迫。痺而不通。故爲胸痺。其症堅滿痞急。或胸中悞悞如噎塞。或胸背皆痛。或胸滿短氣。咳唾引痛。煩悶白汗出。或心痛徹背。或肌痺皮痛。是皆閉塞而不通也。夫脈當取太過與不及。陽微陰弦。則胸痺而痛。又云胸痺之病。喘息咳唾。背痛短氣。寸口脈沉而遲。關上緊。是皆胸痺之候也。

胸痺

論曰。胸脾之病。其脈陽微而陰弦。陽虛則知在上焦。陰弦故令胸痺心痛。古方用理中湯。取緩其中氣則可也。然背者胸之腑。或築或悸。或渴或腹痛。或寒或腹滿。其候不一。治當隨症加減。

理中湯 治胸痺。

人參

白朮

炙甘草

黑乾薑 一兩

水煎五錢。溫服。頃又服。若築者。此腎氣動也。去白朮。加桂心。臍上築吐多者。去白朮。加生薑。下多者。復用白朮。悸者。加白茯苓。渴者。加白朮二兩。腹中痛。加人參一兩。寒者。倍乾薑。腹滿。去白朮。加附子。服後以稀粥投

之取汗。

括蕒實湯 治胸痺。

括蕒實 一枚并

枳實 五枚

半 夏 四兩

水煎五錢。入薤白五寸。生薑三片。煎溫服。日二。

半夏湯 治胸痺。心下堅痞。急痛徹背。短氣煩悶。白汗出。

半 夏 薑汁半

括蕒實 一枚

薤白 合二

生薑水煎五錢。入薤白服。日二。

胸痺噎塞

論曰。胸痺噎塞之病。以胸中痞結不通。故有噎塞之症。蓋寒氣客於五臟六腑。因虛而發。上衝胸間。則氣痞而不通。甚則為噎塞也。

視布丸 治心胸氣悶。喉中噎塞。

視布

洗燒灰

木香

赤茯苓

枳

實蘇炒

檳榔

五錢半炒

訶梨勒煨皮

甘草

乾薑

一分

共末入蜜杵丸。如梧子大。空心溫酒下三十九丸。日二。

赤茯苓湯

治胸中氣壅噎塞。

赤茯苓

三兩

炙甘草

一兩

杏

仁

四十九枚去皮尖炒研

水煎三錢。溫服。日二。

胸痺心下堅痞急

論曰。體虛之人。寒氣客之。氣結胸。鬱而不散。故為胸痺。其症心下堅滿痞急。甚者疼痛搶心。如刺手不得犯。治之當辨至微。殆不可忽也。

五物湯 治胸痺心下堅。

陳皮去白炒

白芍

川歸五錢

木香一分

桔梗一兩

生薑水煎五錢服。

桔梗湯 治胸痺心下氣堅滿。痞急刺痛。不可俛仰。氣促咳吐。引痛不能飲食。

桔梗炒

陳皮炒二兩

甘草一兩

括蕪實炒一

生薑大棗水煎五錢。入薤白五寸。空心溫服。日二。

五味丸 治胸痺心下堅痞急。

附子

黑乾薑三兩

桂心

檳榔

訶勒皮一兩

共末入蜜杵丸。如小豆大。酒下二三十九。日二。

白豆蔻湯 治胸痺心下堅痞急。

白豆蔻

人參

木香

桂心五錢

黑乾薑

京三稜醋煮

炙甘草

陳麩一兩

陳皮

大麥蘖炒香三兩

生薑水煎三錢。入鹽少許。溫服。日二。

胸痛

論曰。胸痛者。胸痺痛之類也。此由體虛挾風。又遇寒氣加之。則胸膈兩乳間刺痛。甚則引背膊。或徹背脊。咳嗽引痛是也。

桔梗黃耆湯 治胸膈痛。

桔梗二兩

人參

川芎

甘草

蘇葉五錢

川歸

黃耆

沉香一兩

水煎三錢。溫服。日二。

白朮枳實散 治胸痺。

白朮土炒

枳實麸炒

陳麩炒一兩

國立中央圖書館台灣分館



3 1111 008723650

聖濟總錄纂要 卷十一 胸痺門 胸痛

共末。酒下二錢。日二。

柏實散 治胸痺。

柏子仁兩炒一

桂 心半分

共末。飲下二錢。日二。

民國二十五年 捌月 拾日

